

не боимся прещенія вашего, суцимъ врагомъ креста Христова, но наступаемъ на пагубное ваше безбожіе, укрѣпляющеся силою владыки нашего Бога. И ставъ посредѣ ихъ Михаилъ, преподобный игумень, молился много не отврещися имъ Христа. И тако все утвержени бывше учениемъ его, поклонивше главы, усѣчени быша. ^{9. в.} Послѣ же Михаилъ || преподобный усѣченъ бысть въ главу.

В ТОЙ ЖЕ ДЕНЬ преподобнаго отца нашего Романа, творца кондакареви.

Свягый Романъ быше отъ Сурія, отъ Емесійскаго града, дѣякоу бывъ въ Виритѣ святыя церкви. Дошедъ же Костянтинграда, влѣга Анастасія царя, шедъ, пребываше въ церкви святыя Богородица, въ благобоизньствѣ пребывая, обнощъ пребывая въ молитвахъ и пакы възвращая, идѣже и даръ отъ Бога кондака прія. Явльшися ему пресвятѣй Богородици во снѣ, свитокъ хартианъ даючи ему и повелѣвши снѣсти, велаше бо отврѣсти уста и снѣсти хартию. Бѣ же праздникъ Рождества Христова. И абіе възбнувъ отъ сна, шедъ на амбонъ, нача пѣти: Дѣвая днесь пребогатаго раждаетъ; и створишь прочихъ праздникъ кондакъ яко до тысящи, и тако с миромъ почл.

В ТОЙ ЖЕ ДЕНЬ святаго мученика Домника ¹⁾.

Той быше отъ Селевкіа ²⁾, благовѣренъ и боися Бога. Македману же зижущу царская в Селунѣ, ятъ бысть яко христіанъ, и предъета на судищи его, съ гнѣвомъ рече ему: что ради, мнѣ сѣдящу въ градѣ, и ты смѣши проповѣдати бога иного и христіанъ ся исповѣдаеши? по пожри богомъ, живъ будеши. Оному же не хотящу, паче гнѣвъ и вопль одержаше мучителя. Тѣмъ повелѣ слугамъ строгати тѣло его, і тако видѣ гнѣвъ свой посмѣшенъ отъ ^{9. г.} святаго, повелѣ предъ градъ || извѣсти и

съкрушити голени его. І усѣкоша позѣ многострадалцу; 7 днй пребысть живъ и не приемля пища, и тако благодаря Бога до послѣдняго издыханія, и предасть блаженную свою душу Господеви.

В ТОЙ ЖЕ ДЕНЬ празднуемъ Покровъ святѣй Богородици. О видѣніи святаго Андрѣя і Епифанія, како видѣста на въздусѣ святую Богородицу.

Страшно и чудно видѣніе честною святцю Андрѣя і Епифанія, како видѣста на въздусѣ святую Богородицу, пришедшу Влахерну въ святую церковь съ ангелы и съ Предтечею и съ Богословцемъ Іоанномъ и съ пѣтми многими святыми. Народу стоящу въ церкви, видѣста молящюся съ слезами къ Сыну си за весь миръ. И глагола Андрѣй къ Епифанови: видиши ли Царицу и Госпожю всехъ молящюся за миръ? Онъ же рече: вижу, отче! И покрывши честнымъ своимъ омфоромъ, свѣтящися паче електора, люди суцая въ церкви. Се убо егда слыша, помышляхъ: како страшное и милосердное видѣніе, паче надѣяніе наше и заступленіе, бысть безъ праздника? Надѣя же ся, Владычице, на милосердая твоя словеса, еже къ Сыну си рече, молящи и глаголющи: Царю небесный, приими всякого человекъ, славящаго тя и призывающаго имя твое на всякомъ мѣстѣ, идѣже бываетъ память имени моего, святи мѣсто се и прослави прославляющаго тя || именемъ моимъ, приемля ихъ всяку молитву и отвѣтъ ³⁾. Тѣмъ словесемъ надѣяся, въсхотѣхъ, да не безъ праздника останеть святый покровъ твой, преблагая; но якоже ты хочещи украсити честный праздникъ твоего покрова, всемилостивая, украси, да и прославляющіи тя възвеселятсѣ, видяще многоименны твоя праздники сіающа; і якоже тамо суцая народы въ церкви милостивно покры, тако и насъ грѣшныхъ рабъ твоихъ покрый кровомъ крылу твоею, низлагающы съвѣты же и думы

¹⁾ Вм. «Домника» въ печат. Прол. (М. 1641): «Домнина». Тоже и въ греч. Мин. «Δομνίνος».

²⁾ Вм. «Селевкіа» читай «Солуня» (Θεσσαλονίκης. Μηναῖος, тамъ же).

³⁾ Вм. «отвѣтъ» должно быть «обѣтъ».

помышляющихъ на нь злая, и спаси ны по милости Сына твоего в сїи вѣкъ и в' будущїи, и вся притескающая къ тебѣ съ страхомъ и вѣрою, и надѣйся на тя, скорое наше заступленіе и помощь. Устави же ся тако-выйй праздникъ праздновати мѣсяца Ок'тября въ 1 день, въ память святаго апостола Апанин, въ славу Отца и Сына и Святаго Духа.

В ТОЙ ЖЕ ДЕНЬ, слово отъ Лимониса, что ради не вниде святая Богородица въ храмъ Киріака попа.

Киріакъ, поитъ лавры Каламоия, иже на святемъ Іердагѣ, повѣдаше намъ, глаголя: яко въ единъ день видѣхъ во снѣ жену ибкую говѣйну образомъ, в' багряницу одѣну, и съ нею мужа два, и сіа въ священнѣмъ образѣ честна стоища виѣ клѣти моея. Азъ же разумѣхъ жену Владычицы нашей быти святѣй Богородицы, сущема же мужеѣма, святаго Іоанна Крестителя и святаго Іоанна Богослова. Излѣзъ же изъ клѣти азъ, моляхъ ю влѣсти створити молитву въ клѣтци моей; она же не хотѣ. Пребыхъ же азъ много часть, моля и глаголя, да не възвращуся смиреннѣй посярмленъ. И много тако видѣ мя прилежача и прошеніе прилагающа, ясно отвѣща ми, глаголющи: имани въ клѣтци врагъ мой, то како хощу да влѣзу? И се рек'ши, отиде. І азъ, въспричувъ, начахъ скорбити и помышляхъ: егда что в' помышленїи моемъ сыгрѣшихъ к ней? не бѣ же иного въ клѣтци моей, токмо азъ единъ. До многа же себе испытавъ, не обрѣтохъ сыгрѣшивъ ничтоже к ней. Икоже видѣхъ себе многою печалію погружаема, востахъ и в'зяхъ книги, да быхъ почель, не быхъ ли чтеніемъ печали отверыгль и мысли? Книги же бяхъ обрѣлъ блаженаго Исухіа Іерусалимьскаго. И прочеть книги, обрѣтохъ два словесѣ Несторіа зловѣрнаго, на концїи книги написано; и разумѣвъ сему быти врагу святаго Владычица нашеа Богородица и Приснодѣвы Маріа. Тогда вѣставъ и идохъ, и книги дав'шему а речехъ ему: возми книги своя, брате, не имѣхъ бо никоея пол'зы отъ нихъ,

слико же ми погыбель приобрѣтоша. Сему же вины вопрошающе, прилучив'шееся повѣдахъ. И блажен'ныя ревности наполнився, двѣ Несторіевѣ словесѣ вырѣ||завъ, на огнѣ 10. в. сож'же, рекый: не пребудеть въ клѣтци моей Владычица нашеа Богородица и Приснодѣвы Маріа врагъ!

В ТОЙ ЖЕ ДЕНЬ, слово похвал'но на святѣй Покровъ пречистыя Богородица и Приснодѣвы Маріа.

Сладчайшии убо въ временехъ весна и въ звѣздахъ солнце, тако и въ праздницехъ Божїихъ угодникъ: яко сїи господственѣ тѣмъ бяху. Намъ же разумъ единъ есть, еже в' сицевыхъ торжествовати духовнѣ в радости дуна. О любопразднственїи ликовничи во многоименныя и красныя праздникы еа! не едино же убо, но различ'но таишьство чюдесъ коеждо тоя торжество обдержаше в себѣ: такоже раздѣленіе многообразныхъ и сладчайшихъ брашенъ во обхожденіе всего обдержанїа времени насыщаше любопразднственныхъ дуна. Сего ради, такоже отъ славы въ славу мыслено пресеяемъ отъ настоящаго торжества въ грядущее празднество и ликованіе; отъ сицевыя же ница и вина духовнаго преслѣвахомъ възрастомъ дуна, дождеже достигнемъ на явленіе Христова, и тамо сущая праздникы неописуемыя словесе обдержанїемъ и торжество и ликованіе непресеѣасмо ни в' малѣ часѣ. К' таковымъ убо преестествоннымъ вѣсть восхитити мысль еще во плоти сущихъ и настоящаго торжества таишьство желателнѣ къ сицевымъ прележанцяхъ, его же нынѣ слово представити хощеть поспѣшнѣемъ Богородица; тоя бо сіе преестествоное и высокое чюдодѣліе и таишьство поистиннѣ преславию, иже можетъ еленемъ¹⁾ люб'ве распалити душа умнѣ. К' тако сущему многочисленому ангельскому торжеству таишьство преславыни Богородица нынѣ сущаго чюдесе силу имать люботоржественнѣмъ угаз'вляти сердца жаломъ люб'ве, к неизречен'ному еже на небеси свѣтлому ликованію, божественныхъ апостолъ со-

¹⁾ Вж. «селедемъ» должно быть: «селеемъ».

вокупленію и пророкъ сословію таишьство преславныя Богородица честнаго ея Покрова. Плънително есть душамъ, свѣтло сіе торжествующимъ, к' будущимъ праздникомъ страстотерпческаго собора святитель сон'ма преподобныхъ съчестанію, і елико десныхъ части тамо; понеже бо и они кождо въ своемъ лицѣ почестъ творище Богородици всѣхъ царици, с нею к нашему торжеству спидоша и присно с'ходить: сего ради и насъ мысленѣ восхитити могутъ къ своимъ праздникомъ и ликованію, еже на небеси, желающимъ сіе любовію душа. Сего ради, о възлюбленіи, днесъ азъ недостойный предначинаю торжество страшнаго сего чюдесе желающимъ сіе торжествовати свѣтло и таковыми питати душу, им'же да представляю божественую трапезу, || тако многообразными и сладкими браш'ны и пивы предъустроену благодатию Богородици и помощію ея. Начало сказанія да представляеть слово сице:

Въ градѣ Костян'тишовѣ, слухомъ вѣдять же того вси именовати новыи Римъ и око вселен'нѣи в лѣноту, яко в' той всего міра благаа божественая и чловѣчская стекошася, и в' чюднѣи церкви пречистыа Богородица Влахернахъ, иже бѣ отъ многихъ тако дѣньница, или паче великое солнце не отъ задніа зарю испущая, и еже и всѣхъ убо препизанца бѣ зѣло, но паче за еже въ ней совершаемая таишьства и страшная чюдеса Богомагерію, и зѣло любезенъ той сій красныи храмъ. Не точію же въ свѣтлыа праздники, но и по вся времена зѣло любезно течаху множество бесчпелено благочестиваго народа, моленіе и обѣты Богородици въздающе, и великымъ сподобляеми отхождаху в радости душа. Во время же нѣкое всенароднаго стеченія и торжества бывасть тамо и блажен'ный Ан'дрѣи, иже Христа ради паложивый себѣ премудрое уродство, побѣжающее суетную премудрость небесною мудростію, иже образомъ буйства, зримаго отъ чловѣкъ, навывче великаа чюдодѣліа пз'водити. Посреди же всенарод'наго торжества в' чюднѣи церкви об-

разомъ тѣла инако пребываа, || умными же 14. 6.
крылы душа горѣ възлѣтая; и молитвенны обѣты отдав'ше и въ таковыхъ сѣи отверзшим'ся тому умнымъ очесѣмъ: и зрять не якоже Моусій древле въ пламени злакъ кушины зеленующься тако сѣнь и проображеніе истин'гѣ, и не глаголетъ, якоже онъ, пришедъ, узрю видѣніе се великое, но весь всъхыгися умнѣ къ чюдному и ужасному зрѣнію, не яко сѣнь бо, но истин'гѣ грядущи. И видить Богородици и всѣхъ царицю на въз'дусѣ, достиг'шю въ реченую церковь съ Предтечею и Богослов'цемъ, и многочисленный полкъ ангельскій окружаше ея; предтечаху же многы ликове святыхъ и служеб'нѣ предстояху той тако царици. По истин'гѣ дивно чудо тогда бѣ на небеси, тако небесная царица къ земнымъ низ'хожаше! дивно чудо на небеси, тако пребываа въ небесныхъ церквахъ, въ рукотвореную прииде! дивно чудо на небеси, тако пребываа въ неглѣн'ныхъ, во зданіи тлѣн'немъ небесному царю приношаше молитвы за вѣрнѣи тогда народъ и за все православное христіанство! дивно чудо на небеси, како невидимо тлѣн'ныхъ невестественымъ сподобляа и не осѣняше¹⁾ божественымъ покровомъ свѣтозарнаго ам'фора! дивно чудо на небеси, како невидимая сходителнѣ показоваше себе своему угоднику! дивно чудо тогда бѣ || и 14. в.
сподобившим'ся сицевая зрѣти видимымъ невидимую и земнымъ небесную! Сицевая таишьства съзерцаа блаженый Ан'дрѣи, приемлетъ сообщника таковымъ и ученика своего, блаженаго Елифанія, молитвы дѣйствомъ отверзаеть тому умная очеса и зрителя таишьству показаеть; самъ же весь изъступаше умнѣ къ таковымъ, весь измѣнишеся преславнымъ и чюднымъ нѣкако измѣннѣемъ, весь такового таишьства бывая, весь тамошнимъ свѣтомъ осіаеиъ, весь премѣняеиъ мысленѣ будущею свѣтлостію, весь сладости небесныа исполняеиъ, навываше же таишьства нѣкаа будущаго вѣка, невестественыхъ торжества, праведныхъ ликованіе, неописуемыа праздники, нев'мѣщаеиъ слухомъ ушесъ и в' зытіеиъ сердца неем-

¹⁾ Должно быть: «и осѣняше».

лемыи. Къ симъ же оцощаше нѣкако и глаголы молитвѣ Богородица, еже творяше къ Сыну своему и Богу нашему за сущій тогда народъ и за все православіе: Царю небесный, глаголаше, и всѣмъ творче, таже и выше и долѣ, приими моленіе мое и помилуй всякого челоуѣка, благочестно с любовію славяща и прославляющаго тя, і имя твое святое призывающа и величяющаго тя, почитающа именемъ моимъ! помилуй и приими молитву тѣхъ і обѣты источая милостивно, комуждо поло||зная, въ нынѣ сущій и грядущій вѣкъ; и всяко мѣсто и храмъ, идеже совершається память имени моего, святы сіе и прослави по велицей своей милости. Возвесели же ся и церкви, зри и слыша таковая, и просвѣщашеся, и поступаше болшими таинствы, вопіа царици гласы неглаголаными: величить, глаголя, слава моя небесную царицу, яко преклонися милостивѣи и вѣстися въ мое смиреніе; и се бо отсель сугубо прославляюся во вся роды, яко сътвори со мною величіе чюдно святое тоя и сладчайшее имя, и милость свою истачаше в родъ и родъ на моя чада, благочестивый народъ, иже со страхомъ почитающихъ чюдныя ея праздники и страшная чюдеса, и крѣпостію мышца своя вознесеть державу царствія тѣхъ, и расточитъ мыслію сердце въстаніе иноплениныхъ языкъ, такоже и бѣсовское насиліе отженеть со страстнымъ соборомъ, и различіе недугъ стужающихъ душа и тѣлу, восприметь же тѣхъ мыслено, помянувше завѣтъ свой, иже древле обѣщающимъ ся божественное имя христоименитымъ людемъ, новому Израилю и сѣмени ихъ до вѣка. Сіа церкви аще не глаголы, но вещьми прославляше пречистую Богородицу. Божественный же Андрей зряше честный ея || амфоръ паче солнца сіающъ, имже покрый осѣни вся суцая люди въ честнѣи церкви, и раздѣляше комуждо потребная дары: ового осѣняше отъ зноя страстей; овому же источаше свѣтъ божественны радости духовныя; ового потвержаше къ добродѣтельному пути; иногоже на покаяніе наставляше; прочихъ же отъ съдержаша тѣзя свобожаше и томимымъ отъ духовъ лукавыхъ оцѣщеніе дароваше,

и всѣхъ полезное прошеніе исполняа, небесными дарми обогащая и свѣтомъ просвѣщая своєю милости; своего же угодника Андрея к' подвигомъ укрѣпляше и труды облеглаше, въставляше тому пламень желанія, еже въдворитися съ святыми предидущими и послѣдующими той, и с нею быти и въ вѣкы пребывати, отложивъ завѣсу плоти, м'няше же ся и той изъступивъ измѣненіемъ, вѣтѣйствуя мысленѣ, Богородици благодарныя гласы слагая и похвалы и подобное славословіе и достойныя пѣсни о таковѣмъ таинствѣ: днешь, глаголя, о Владычице, иже древле слухомъ слышахъ, пынѣ же очи мои видѣша тя, не якоже Моисій первѣе въ сѣни въ пламени цвѣтуцаа купины и посыхающа, но во истиннѣи и существеннѣи; днешь, о Владычице Богородице, видѣхъ тя: иже преже в' начертаніи обра||за твоего мысленѣ зрѣхъ, пынѣ же и чювственныма очима и душевныма узрѣхъ тя не якоже Іаковъ первѣе протяжашемъ лѣствица до небеси и на главѣ той Бога утвержена, но яко уже Бога рождшу и въ небесное царство к нему преселшуюся и къ намъ сходителнѣи сниде; днешь, о Владычице Богородице, видѣхъ тя не якоже Даниль первѣе величствомъ горы гонашествова, но лицемъ къ лицу видѣхъ тя небесную царицу; днешь, о Владычице Богородице, видѣхъ тя не якоже Исаіа первѣе клещами югя божественаго провидяше сѣневно, но истинно пришедшу въ свой храмъ і юглемъ божественны молитвы оцѣщающу насъ; днешь, о Владычице Богородице, видѣхъ тя не якоже Езекииль дверми зрящими на вѣстокъ едема проишесуему, по истинноу небесными дверми царствія сниде к намъ и сподоби насъ чюдне страшнаго своего зрѣніа; днешь, о Владычице Богородице, видѣхъ тя не якоже Аввакумъ югомъ и часто осѣненою горою съзерцаа, но во истиннѣи отъ небесныхъ горъ к намъ слетѣвшю и сѣнию божественаго своего амфора осѣняющу насъ; днешь, о Владычице Богородице, видѣти тя сподобихся невидимую еще въ тлѣннѣи зданія телесе, и вопію с' чюднымъ боговидцемъ: днешь видѣхъ тя видѣніе се великое и спасе ми ся душа. Сіа и пная чюдный сей мужъ мысленѣ въ сокро-

12 6.

12. в. вищи сердца гра^{||}несь словяше Богородици во многы часы, изыде таиньствованъ весь, богоносенъ і освященъ, таковъ же нѣкій боговидецъ, и на мнозѣ в' мысли обноса чудное сіе таиньство и умнѣ к' таковѣмъ простиралися, сытости не имаше.

Се убо, възлюбленій, настоящему празднику вина, се таковому торжеству прит'ча. Сего ради подобаше и намъ достойная таковому празднику торжествовати; ибо сіе чудное празднество божественаго Покрова пречистыа Богородица сугубо таиньство в себѣ имать: торжествующе же сіе, обновляемъ древле бывшее схожденіе Богородица и чудное видѣніе тоя; второе же, тако всегда требуемъ божественаго покрова еа во всѣхъ совѣтѣхъ вражійхъ и всег'да прибѣгати подъ сѣнь крылу. Того нужно намъ есть, такоже дыханіе животоу, и страшное всѣмъ съпротивнымъ имя ея призывати, еже защитити насъ божественымъ покровомъ еа отъ стрѣль, летящихъ во тмѣ раздѣленія нашего, і отъ сряща бѣса в' полудне унынія нашего, осѣнити же и покрыти отъ мрачнаго събора страстныхъ началникъ и всяко разрѣшеніе злымъ даровати намъ. В' часъ же разрѣшенія тѣлесныхъ союзъ, в' часъ гор'кій и болѣз'невный, молим'ся той предъстати

12. г. и божественымъ покровомъ еа по^{||}крыти душа наша і осѣнити честнымъ ам'форомъ еа, еже не видѣти мрачнаго лица злыхъ бѣсовъ и невредно преминути темнаго въздуха воду и горкая мытарства, и узрѣти лице Христова крот'ко, источающе свѣтъ милости, и спасеныхъ части быти. Сего ради должно есть намъ чудный и краснѣй праздникъ сей свѣтло торжествовати божественаго покрова еа, и духовно возвеселитися, прешедше море суетнаго житія сего; превшедше камень златолюбныа страсти невредно; прешедше и чревонействовыа страсти неудержаніе; прешедше Египетъ отвержешемъ всякого потемненія попеченій земныхъ; і Амалика тѣло побѣдив'ше, и къ горѣ безстрастіа приблизитися, и мысленѣ въсхытитися подъ божественый покровъ Богородица; и на стражи умнѣй ставше, кунно въздвигнути и възвыснги гласъ, и свѣтло торжествовати и достойная празднику воз'глашати

в' веселіи душа, и съ пох'валою Богородици възопити: радуйся, покрове Дѣво Богородице, покрывающи насъ не точію в' мимотеченіи житія сего отъ всѣхъ нападеній съпротивныхъ, но и по отшествіи отздѣ сущихъ, защищающи ризою милости своая. Радуйся, покрове Дѣво Богородице, покрывающи насъ в' часъ зимы искушенія нашего, дѣйству^{||}емаго ового благоволенію, ово за исправленіе наше еже къ полезнымъ. Радуйся, покрове Дѣво Богородице, покрывающи насъ отъ начальствующихъ страстей сицевыхъ расходящася в' дымъ въздуха славы, и соотносяще собою кождо и труды, і отъ дебелыа страсти невѣмѣстимыа въ тѣсней стези царствія, і отъ матере страстемъ мотыльного песьствва. Радуйся, покрове Дѣво Богородице, покрывающи насъ отъ страсти злыа и съпротивная Христу, еже судити не своя і испытати искрен'ныхъ вины грѣха и потязати судя, а не и за исправленіе: ибо Сыну о сицевыхъ власть оставлена бысть отъ Отца, равночестія ради. Радуйся, покрове Дѣво Богородице, покрывающи насъ отъ съпоположенія діаволя, еже не породитися отъ него водою лжи и смрадомъ зависти и ненависти, посылающими к' пагубѣному крещенію будущаго пламене. Радуйся, покрове Дѣво Богородице, покрывающи насъ отъ убійства матере духа гнѣва, ярости и злопомнѣнія. Радуйся, покрове Дѣво Богородице, покрывающи насъ отъ в'зора очеснаго паденія, тако се мати и телесному растлѣнію, и вмѣсто истыкнутія деснаго і отытатія десница покровомъ милости защищающи и съхраняющи цѣломудріе любящимъ того. Како убо, о Владычице, твоего милостивнаго и божественаго покрова достойно воспоймъ таиньственное торжество и свѣтлое празнество? Аще и всѣхъ языки имамы, не возмогаемъ по лѣнотѣ, поелику возможно. Паки воспѣвъ того, пойду. О божественый покрове Богоматере, еможе вся покаряются небесная и земная! О божественый покрове Богоматере, еможе подзем'ніи тренещютъ варварстіа языцы і тако бурю пероми отъ лица вѣрныхъ исчезаху! О божественый покрове Богоматере, еможе нашествіемъ зліи

13. а.

13. б.

недузи отъ телесъ отбѣгаху и душевнѣи страсти отгоняхуся! О божественный покрове Богоматере, егоже прикосновеніемъ всякъ союзъ злыхъ рѣшится, во дне и средѣ нощи и въ часъ с'на дѣйствуемый отъ бѣсовъ и злыхъ чловѣкъ! О божественный покрове Богоматере, егоже осѣненіемъ мрачный облакъ помысломъ разгоняется, забвеніа еже по души пуж'ныхъ і уныніа о прилежаніи благихъ! О божественный покрове Богоматере, егоже орошеніемъ пламень страстей погасаетъ, и не имущъ окаашества бѣжить, и предъриатіа и воспомяніе лютыхъ не дѣйствуютъ! О божественный покрове Богоматере, егоже милостивнымъ посѣщеніемъ божественному страху плоть присовокупляется, і умиленіе души дается, и попеченіе помысломъ к' будущему отвѣту. Всякъ, имѣй покровъ божественный

13. в. Богородица, || усердно наступаетъ на стезю заповѣдей Господнихъ; не тѣломъ точію нищету исправляетъ, но и духовнѣи наставляется и сими в' вышнемъ царствіи часть имѣти сподобится. Имѣй покровъ Богородица, сугубо плодитъ плачь телеснѣи и умнѣи, и сѣть со слезами і обираетъ плодъ утѣшеніа не з'дѣ точію, но и в' будущемъ и множае. Имѣй божественный покровъ Богородица, усердно дѣлаетъ землю сердца своего, и съсѣкаетъ плевелы лукавства и г'рости, и сѣть свѣтовидную ишеницю кротости, и събираетъ плодъ въ небесную жит'ницю въ землю крот'кихъ. Имѣй божественный покровъ Богородица, усердно жадеетъ и алчеть душею, в'купнѣи и тѣломъ, всякіа правды по добродѣтели божественна, в'купнѣи и чловѣч'скія, и насытитися иматъ пищею небесною. Имѣй божественный покровъ Богородица нетлѣн'нымъ богатствомъ искупуетъ небесное, но и по души всѣмъ милостивну прилежитъ и спѣшитъ быти помощь, и всѣхъ недостат'ки покрывая, паче же и на себѣнося, стяжавая сими вѣчную себѣ милость. Имѣй божественный покровъ Богородица, не точію телесную чистоту сохраняетъ, но и сердце чисто подвизается стяжати, искый зритель и боговидецъ быти. Имѣй божественный покровъ Богородица,
13. г. не ток'мо || самъ не враждуетъ, но о сице-

выхъ весь подвигъ тому, еже разсѣкати средостѣіе вражды божественнымъ смиреніемъ, желая нарецися небеснаго Отца чядо. Имѣй покровъ божественный Богородица, не точію за правду изгнаніе терпитъ отъ мѣста на мѣсто і отъ града во инъ градъ, но т'мами и смерти претерпѣвати не отрицается, хотя во свѣте небеснаго царствіа ликовати. Имѣй божественный покровъ Богородица, аще проидетъ посередѣ сѣни смерт'ныя, ничтоже зловерити его смѣетъ, ни сѣти бѣсовскаго ловленіа препяти того могутъ. Имѣй божественный покровъ Богородица, ни звѣри ядовитіи дерзнуть того веридити, еда посреди ихъ обрящется, ни злолютьство разбойникъ коснется тому човственѣи и умнѣи. Имѣй покровъ божественный Богородица, посреди рат'ныхъ рукъ човственныхъ и разумныхъ варваръ не вредимо проходить, и не прикоснется тому рана телеси, купно же и душевная, ни слово лукавно и бѣсовскимъ дѣйствомъ растворено не воз'могаетъ на нь. Имѣй божественный покровъ Богородица, радуется претерпѣвая всяко поношеніе, неправдою съслѣтаемо, и злыи и глаголь ложнѣи исщивасмъ, възирая на божественную помощь, і отъ того ожидаетъ воспріати || множество мз'ды 14. а. въ небесныхъ селеніихъ. Каковымъ убо ходатай намъ есть тайное и свѣтлое торжество честнаго и божественнаго покрова пречистыи Богородица. Како сего таинства по достоинію восхвалимъ? который г'зъка арганъ воспріимемъ к' такому пѣснословію? которыя гусли духовныи подвижемъ, къ веселію насъ воздвигнути могущихъ, еже свѣтло сіе торжествовати и вся къ общему веселію съзывать? С'радуйся убо намъ и ты, великий граде, в нем'же таковое таинство съвершается. С'радуйтесь и прочая грады и страшы православныхъ и в нихъ вся свщен'шыя церкви, праздиующей таковое свѣтлое торжество Богородица. С'радуй же ся и божественная церкви, пріемнице и в'мѣстилище Владычице и Богоматере и сунцихъ съ нею ангельскаго събора и святыхъ ликостояніа. С'радуйся и божественный съборе ангельскій, служителие и зрители таковаго таинства и всѣхъ царици,

нынѣ купно съ нами торжествуйте, невидимо прилѣтѣвъше, сподобляюще насъ божественныхъ ся даровъ. Срадуѣ же ся и ты божественный ходатаю новаго и ветхаго, иже изъ нея рождышагося божественаго агнца, предтече и проповѣднице, сроднице и друже ближній Богоматере, и настоящаго таинства сообщнице. || Срадуѣ же ся и вселенскій благовѣстнице і Апостоле Іоанне, богословеснѣйши учениче и възлюбленый наперстнице Владыки Христа, и того рождышей сыне и присный служителю, и нынѣшняго торжества съдѣйствениче. Срадуѣтесе памъ и весь божественый и апостольскый и пророческый личе, и все съвокупленіе святыхъ, предшествоующе и послѣдующе Богородици, кождо въ своемъ чину, и позаратаи бывше таковому таинству. Срадуѣ же ся и ты, божественый и чудный старче, блаженный Андрѣе, иже наложивый себѣ буйство, небесныя мудрости исполненное, присный служителю и нынѣшняго торжества съдѣйствениче Богоматере, и по дарованію ся зритель таковому таинству бывый еще в' вещественѣ телесѣ, и намъ ходатай бывъ таковому празньству и свѣтлому торжеству; и нынѣ паче предначинай намъ таковому чудному ликованію, яко уже отложивъ завѣсу плоти и чистѣ зриши божественое лице Богоматере, с' пею в' невещественыхъ селеніихъ водворялася, і отъ неа свѣтолігемъ неизреченнымъ просвѣщаемъ, пріимая божественое дарованіе, и къ намъ нынѣ невидимо сходя, сподобляй насъ невещественыхъ и милостивныхъ ся даровъ. Срадуѣ же ся и учениче того, блаженный Епифане, сподвижникъ того трудомъ, и тайнаго житія и великихъ дарованій исповѣдниче, и нынѣшняго таинства съзерцателю. Срадуѣте же ся и все вѣрныхъ совокупленіе по всѣхъ градахъ и странахъ, любопразьственія и свѣтлія торжественныя, царіе и князи, и священноначальници, владущіи и владоміи, мужіе и жены, юніи и старци, раби и свободніи, мысленѣ возьмешесе под' божественый покровъ Богородица, къ горѣ милости ся приближв'шесе, і об'цій лъкъ съставльшесе съ небеснымъ купно и земная, еднотгласно вси възоніемъ и въскликнемъ,

глаголюще: радуйся, о царице Богородице Маріе, свѣтопріемнице божественаго свѣта, в' мѣстилище и престолъ Божіаго словесе, пророчское зерцало, апостольская проповѣдь, мученикомъ страданія вѣнче, святителемъ похвала, преподобнымъ свѣтлое пѣснословіе и помощница, праведнымъ и всѣмъ святымъ ликованіе, вселенскихъ церквей чудная похвала, царемъ православнымъ державя непобѣдимая, архіереимъ свѣтлый вѣнче, и всего православнаго христіанства божественый покрове и помощнице, всяческихъ золь избавленіе и грѣхомъ раздрѣшеніе, вѣчному животу наставнице и божественый ходатай. Даруй убо, о Владычице Богомати, твоею покровъ и помощь свѣтлоторжествующимъ твоя священныя и чудныя праздники съ настоящимъ симъ днесъ торжествомъ честнаго твоего и божественаго покрова, і алчущая сердца наша напитай небесною пищею, и веселія духовнаго исполни, и смиреніе даруй въ мыслехъ нашихъ, и страхъ Божій всади въ сердца наша, и любовь нелицемѣрну утверди въ душахъ нашихъ, и на всякій путь божественыхъ заповѣдей настави, еже ходити по заповѣдемъ Сына твоего, Господа нашего Ісуса Христа, и покровомъ своимъ честнымъ заступай насъ, і избавляй присно молитвами своими отъ всякихъ бѣдъ и злыхъ болѣзней и различныхъ напастей, низложи совѣты помышляющихъ злая на душа наша и телеса. Владычице, Владычице, упованіе и прибѣжище и надежда спасенія нашего, услыши насъ грѣшныхъ и пріими моленіе и въздыханіе сердца нашего; преклонися, всѣхъ посѣти божественымъ посѣщеніемъ, исцели и спаси по велицей своей милости: иже въ старости сущимъ даруй жезлъ крѣпости и заступленія; юныхъ сверѣпство обуздай и къ добродѣтели поспѣши; мужа и жены в' целомудріи съблуди; младенца възспитай добродѣтели млекоомъ; и сущая въ плененіи порабощенія свободи; і иже в' темницахъ посѣщенія божественаго сподоби, и связаннымъ во узахъ раздрѣшеніе даруй; и голодомъ съдержимыя напитай, и жаждущихъ пламень прохлады, и сущимъ в' болѣзни здравіе даруй; спротивствомъ стра-

14. 6.

14. г.

14. в.

14. а.

жюющихъ и ницетоу бѣдующихъ удовли, и въ всякихъ напастехъ страиющимъ весело обрадованіе даруй и сладость спасеную гѣмъ псточи, душевную куню и телесную, і общее прибѣжище и обрадованіе и спасеніе всемъ намъ буди, и покрый насъ честнымъ си покровомъ, и изъбави насъ отъ всякого зла, и въ грядущій часъ суда Сына твоего, Христа Бога нашего, страшнаго прещенія и осуженія пзимаючи божественнымъ молитвами си; и всели в' мѣсто вѣчнаго покоя и нескон'чаемаго наслажденія, идеже есть свѣтъ невечерній и крайнее благыхъ наслаженіе, і отъ сущихъ здѣ праздниковъ и тор'жества к' тамо сущему преест'венному, неизречен'ному, и нескон'чаемому, празнеству и любованію яко Владыки матери сподоби, и в'сели в' зем'ли крот'кихъ, в' села правед'ныхъ, в' лице святыхъ, идеже архангельское тор'жество, пророкомъ лпованіе, апостоломъ празнество, мученикомъ свѣтлое радование, свитителемъ славословіе, прендобнымъ чудное веселіе, праведнымъ и всемъ святымъ непрестан'ное п'снословіе, в' радости неизъглаголе¹⁾ннѣ и постиши въ невѣст'ницѣ петлѣн'немъ и ници непрестан'тѣи и неспасищаемѣи въ небесныхъ селеніихъ тор'жествовати сподоби, идеже сіаетъ т'мами солнца свѣтлѣиши неизреченный свѣтъ божественнаго лица Сына твоего Христа Бога нашего, яко тому подобаетъ всяка слава, честь и держава съ безначальнымъ Отцемъ и съ пресвятымъ благымъ и животворящимъ Духомъ шнѣи и присно и въ вѣки вѣкомъ¹⁾у.

ВЪ ТОЙ ЖЕ ДЕНЬ, другое слово похвално честному Покрову пресвятыя Владычица нашея Богородица и Приснодѣвѣи Маріи. Твореніе смиреннаго ер'монаха Пахоміа.

Понеже убо человѣческій родъ обыче праздники святыхъ с похвалами праздновати, а иже святѣишее всехъ честныхъ царици праздники пречистыя Владычица нашея Богородица и Приснодѣвѣи Маріа непремногу съ любовію почи-

тати должны есмы, и тако вышней святыхъ и вышней похвалу приносити, яко царици и владычици, царя и владыку всемъ рождьней; по понеже мало время приде, отшелъже праздновахомъ честный праздникъ Рождества пречистыя Богоматере: тогда бо рождествомъ ея праматеріа клят'ва потреби и Адамъ отъ вѣчныхъ узъ свободися и Богъ к намъ примирился; тогда бо Іаковля лѣствица утверждашеса, Богу хотящу по ней къ челоукомъ снити и челоукомъ путь сътворити || къ небеснымъ; тогда бо и пророци възрадоваша свосму пророчеству, сбѣтіе зряще; тогда бо и Давидъ, видѣвъ отъ него правнуку родившюся, бряная в' гусли, играя духомъ, глаголя: слыши, д'нци, и виждь, приклони ухо твое; тогда бо не токмо пророци, но превышняя и земляная вся тварь съпраздноваше. Нынѣ же пріспѣ честнѣишій новѣишій Владычици и Богородици Покрова праздникъ, да увѣрятся вси и познають, яко не ток'мо егда в' мирѣ съ нами баше ходатайственное къ своему твор'цу и Сыну милостивно предлагане, молитвенное и милостивное показоване, но наче и по преславиемъ тоя преставленіи отъ земныхъ въ небесная, но и тогда не престааетъ насъ посѣщаючи, млостивное показуюци. Но понеже убо добро есть навикнути, откуда и коея ради вины сей пречестный Покрова праздникъ уставина святѣи отци в' Костян'тинградѣ праздновати, е'лма убо в' Костян'тинградѣ, в' нем'же спасеная съдѣвахуся, по понеже тамо, истинѣи умаленѣи, грѣхъ множашеса, яко и при Пророцѣ: видѣ бо Давидъ въ Израили истин'цу умалему, помолися, глаголя: спаси мя, Господи, тако осудѣ прендобный і тако умалишася истины отъ сыновъ челоуч'ескихъ; егда бо правда одолѣваетъ безаконію, тогда бо милосердіе Божіе к' себѣ при¹⁾влечимъ, а егда ли грѣхъ, тогда и не^{15. в.} годованіе Божіе. Якоже преже рѣхомъ, в' Костян'тинѣ градѣ пѣбая стропотная съдѣвахуся, могуца негодованіе Божіе навести; по ниждѣже не оставляетъ Богородительница помощію, но непрестанно мо-

¹⁾ Въ С. и У. прибавлено: «аминь».

лиг'ся и молити не престаеъ о челоуѣчьскомъ родѣ. Иакоже и дивный Анд'рѣй: сій же мшися челоуѣкомъ уродъ быти, но паче многихъ, иже въ премудрости мнящихся вигій¹⁾ разумомъ превъсходити: не бо виѣшняя премудрости искаше, но паче горняя желая и к тѣмъ подвизашеся и уродствомъ свое житіе великое крылаше, іакоже злато въ глиниѣмъ съсудѣ; и сего ради ни славы требуя, ниже срама челоуѣческаго стыдѣшася славы ради оная, іако да тамошняго срама, еже предъ ангелы и челоуѣкы грѣшнымъ бывающа, избѣгнетъ. Сему убо блажен'ному Анд'рѣви и съ ученикомъ своимъ Епифаніемъ открыся сіе божественое и пречюдное Пречистыя видѣніе не во снѣ, ниже въ гаданіи, но истин'ною и на гавѣ, іакоже гавить нынѣ. Пришедшио блажен'ному Анд'рѣю, о немъ же намъ слово, въ божественую и великую церковь Владычици и Богородици, Влахерна именуема, и съ ученикомъ своимъ Епифаніемъ, видить преславное видѣніе: видить бо тендую заступни'цю христіаньскаго рода въ церкви на въздусѣ стоящую, и съ множествомъ вои ангельскихъ чиновъ, и съ Предтечею же и Богословцемъ, и съ ииѣми многими святыми молящюся, іако мати, съ слезами твор'цю своему и Богу, еже пощадѣти люди съгрѣшившая и съгрѣшающая, сице глаголющу: Боже мой и творче и Сыну! прости всякая съгрѣшенія христіаньскаго рода, на тя Бога и вседержителя уповающаго, и святое и великолѣнное имя твое призывающихъ, и мене рабу твою и матере любовію почитающихъ і отъ нихъ тебѣ ходатайствующу и молящюся. Тогда бо Владычица и Богородителница, іако дер'зновеніе к нему стяжавши, ближе градъ и люди честнымъ своимъ ом'форомъ покрываючи, показуя милостивное божественое еже о челоуѣцехъ и свое еже о насъ ходатайственное. Но понеже и сіе божественое чудо и покровъ пречистыя Богородица не утаися, но паче веѣмъ гавлено бысть, даждь до самого патріарха и царя: тѣмъ же пречистый многосвѣтлый празникъ Покрова Пречистыя составльше, уставивша праздновати мѣсяца Ок'тября въ 1, іаже творить цѣр'кви

и до сего дни въ славу и честь великому Господу Богу и Спасу нашему Иисусу Христу и того пречистой Матери, ходатайци и молитвеници еже къ Богу. Тѣмъ же убо и намъ откуду, празднолюбци, свѣтлый сей и преславный новѣйшій празникъ Покрова Владычици и спасителницы граду же и людемъ многою любовію почитати и достойную честь, іако царици и Владычици, въздавати, не іако она отъ насъ похвалъ и славы требующи, но паче да мы тоу прославим'ся. Священ'ници и царіе и вся племена челоуѣчская, богатіи и нищии и вси людіе похвалу праздничную да възноимъ, и да прославимъ іако Матерь Божию и нашу помощницу, кождо благодарная да приносить: овъ смѣреніе съ благоговѣніемъ, і инъ постъ и молитву да дар'ствуеъ Владычици, и другій да простираеъ руки к' раздающу нищимъ, і овъ гнѣвное брату да отпуститъ, и тако творяще, Богородицю възвеличимъ. Такова бо приношенія праздничная требуетъ, а не в' тумьнанехъ и гуслехъ и питіихъ, іакоже ед'линьстїи отроци празднуютъ, но въ молитвахъ Богородителницы иѣніе, поновленію жизни нашей благодарная іако долгъ воздадимъ, благодати не тающе, но заступленіе исповѣдающе; чистотою бо та іако царьскою багрянницею украшена, съ царемъ, іако мати царствующи, честнѣйшіа херувимъ и славнѣйшю серафимъ воспоемъ, аще же реку выш'нюю небесѣ и земли и всѣхъ бѣв'шихъ тварей, иже отъ Адама честнѣйшая, сіа глаголя, не погрѣшио. Егоже || бо херувими и серафими зрѣти не могутъ, но съ страхомъ и трисвятое иѣніе приносятъ: сего чистаа и пречистая Мати своими чистыми и честными рукама сподобися держати; и егоже небеса не възмогають вмѣстити, богопріятная же тоя ложесна не тѣсно вмѣсти и безъ ислѣнія проиде вседѣтель; іакоже Дѣву обрѣте чистую, тако Дѣву чистую и по рождествѣ съблюде, іако да не порочно будетъ дѣвство. Понеже аще и нѣкыа отъ дѣвъ отъ великаго въздер'жанія и целомудрія и чистоту съблюдааху, а не еже отъ естества: сіа же пречистая и Приснодѣва Маріа не отъ въздер'жанія нѣ-

¹⁾ Въ У. и С. «вѣтей».

коего чистоту дѣвства пмяше, но отъ са-
мого тоя естества, и бес труда чистота ве-
ліа бѣше: понеже тако подобаше Царици и
Владычици, Дѣвѣи же и Матери Сына Бо-
жіа преславная о ней быти; понеже бо
преже всѣхъ тварей и вѣкъ Богови преслав-
ное вселеніе пронаречена бѣвши, о ней
же глаголаше Пророкъ: преславная гла-
голашася о тебѣ, граде Божій; и наки:
помяну имя твое во всякомъ родѣ и родѣ.
Но и сама та Владычица и Богородица про-
рочьски глаголетъ: се бо отпѣнѣ блажать
мя вси родѣ. Все роди родовъ ту ублажаютъ;
что же глаголю о земныхъ, но паче въ
пренебесныхъ? и самы ангелі и архан-
гели, ѿко царици и матери тѣхъ сѣтвори-
шаго, съ страхомъ преже стоить, пѣніе при-
носяще. Мы же, грѣшніи, которыми уст-
нами изыкъ къ похвалѣ чистыя отверземъ,
ѿкоже долѣжно ту достойными хвалами ве-
личіа Приснодѣвы Богоматери почестъ при-
носить? аще бо и умъ ангельскій не пости-
заетъ достойными хвалами ту въспѣвати,
но слико тѣмъ достойно, юже и самъ небес-
ный Отець похвали, и Духъ пресвятій осѣни,
и Сынъ Божій отъ нея безъ истлѣнія про-
иде, и вся паче естества и выше человѣч-
скаго и ангельскаго разума о ней таинства
сбышася. Но что много глаголю? не испы-
танная постигнути не моцно; но днесь
нынѣшняго праздника праздничная же глаго-
лются. Къто бо исповѣсть величія, еже нынѣ
бѣвшее преславное Владычици чудо и яв-
леніе своимъ угодникомъ и молитвенное и
милостивное еже къ Сыну своему и Богу
о сѣгрѣшающихъ моленіе? Что въздаяніа
противу тоя благодаренія въздадимъ, точїю
оное архангельское слово, ѿко достойно ра-
дости глаголемъ: радуйся, обрадовавшая,
Господь с тобою, и тебе ради съ чело-
вѣки. Радуйся словесный рай, в немже бо-
жественное древо насаждено бысть Христось,
а не оно древо, иже Адама умершвей, но
паче всѣмъ бесмертіе и животъ дарующее.
Радуйся божественный киотъ небесаго би-
сера в себѣ носящи Христа, і источниче
17. а. живыя воды животъ намъ || источившіа.
Радуйся архангельское ликованіе и ангель-
ское веселіе и земленородныхъ обновленіе.

Радуйся Моисеовъ жезлъ, море раздѣлив-
шее, и Фараона мучителя силою Сына твоего
потопльшее, и изрядныя люди въ землю обѣ-
тованія наставльшіа. Радуйся купно царь-
скій и священническій Аароновъ жезле, отъ
негоже прекрасный цвѣтъ Христось про-
цвѣте, и изъ тебе безъ истлѣнія родися.
Радуйся свѣтило невечеряго свѣта, всю
тварь освѣщающа і еретическую мѣглу да-
лече пѣгдѣ отгонящи. Радуйся и ты бла-
женіе и преблаженіе Андрѣе, отче нашъ,
и съ блаженнымъ ученикомъ Епифаніемъ,
иже неизреченныхъ видѣній таинникъ и
зритель извѣстны бѣвшиа. Радуйся и ты,
блаженіе Епифаніе, сподобивыйся такова
учителя ученикъ презрядный нарецися.
Блажени же и вси люде, иже пречестный
твой праздникъ почитающе, Владычице: тебе
бо ради нашъ градъ и вся вселенная отъ
лести дѣвольскія избавися и крестомъ Сына
твоего всеродный Адамъ в райскую породу
наки возвращается, и тебе ради, Влады-
чице, страсти отъ чловѣкъ отгонятся, и
здравіе душевное и телесное приемлемъ. Ты
бо еси печальнымъ милостивное утѣшеніе,
обрадованіе; ты бо матери истиннаго живо-
та: аще и приде отъ земля къ небеснымъ,
но съ плотїю жива сущи; тѣмъ же и тамо
съ Царемъ и Сыномъ присно сѣцарствуеши
въ небесныхъ. Тѣмъ же молимся тебѣ, ѿко
милостивой и милостиваго Бога рождени,
сродствіа нашего. Аще и сѣгрѣшихомъ,
помощію не отступай, но присно предваряя
отъ бѣдъ и скорбей избавляя насъ. Ты
бо, Владычице, православнымъ людемъ при-
бѣжище и градъ твердый отъ лица вражіа,
и твоего заступленія и помощи требуемъ, и
твоею надеждою крѣпимъ ся, и силою Сына
твоего противныя полци побѣждаются.
Тѣмъ же, Богородителнице, ѿкоже тогда
милостивно о людехъ, тебе чтущихъ ца-
рицю, промышленяше полезная, тако и нынѣ
не престай своимъ честнымъ покровомъ по-
крывающа и свѣты варварскыя иже ра-
тующихъ низложи, и всѣхъ иже въ чест-
ный храмъ твой приходящихъ и молитвы
и моленія тебѣ приносящихъ, да твоими
молитвами жизнь сію немятежно преидемъ
и вѣчныхъ благъ сподобимъ ся о томъ самомъ

Владыцѣ и Господѣ нашемъ Иисусѣ Христѣ, емуже слава и держава, честь и поклоніиіе съ безначальнымъ Отцемъ и пресвятымъ и благымъ и животворящимъ Духомъ и нынѣ и присно и въ вѣкы вѣкомъ ¹⁾).

ВЪ ТОЙ ЖЕ ДЕНЬ мученіе свя-
таго Апостола Ананіа, епископа Да-
маскиньскаго.

По възнесеніи Господа нашего Иисуса Христа и възношеніи же на небеса къ своему Отцу, восіа намъ великій во апостолахъ и въ мученигѣхъ Ананіа, тако ми и велико пресвѣтлое свѣтило, отъ отечества сы Дамаскиньскыи страны, знаменіа и чудеса творя премнога въ людехъ. В ты же дни князю сущю Лукіану въ странахъ вѣсточныхъ въ Витав'рині, еже именуется Елеуферополь, тѣшаніе же сотопши на рабы Божіа имѣаше съ послушатели своими потребити подвижнныи благыи вѣры отъ лица земли; но диаволь съ своими слугами извѣленъ бысть и надъ просѣдеса, а истиинны дѣлатели расплодиша пшеницю благыи вѣры, якоже земля блага, по писаному, и труды своя велми расплодиша. Тѣмъ же нечестивый законопреступный Лукіанъ князь гоненіа творяше на христіаны, и сице написаніе написа, глаголи: иже аще обрѣтенъ будетъ именуя Христа и чтый распятаго, лютымъ мукамъ велю предати и; иже ли пожретъ бессмертнымъ богомъ, даромъ великымъ сподобленъ будетъ. Во дни же ты обрѣтенъ бысть святыи Ананіа, на той странѣ врачующа живущую ту братію: бѣ бо Господь с нимъ подавая исцѣленіе недужнымъ; тогда убо слугы идольскаго пенствовѣства и диаволи служители имѣши раба Божіа Ананію и приведоша предъ судище Лукіана князя. И възрѣвъ на нь князь, и рече: ты ли еси Ананіа, омрачай бо ||гы наша и лѣтяи челоуѣкы и проповѣдая иного Бога распята и жива? нынѣ убо, челоуѣче, вижду, яко дивенъ еси зракомъ си, премудръ разумомъ; но послушай мене и пожри богомъ, а не погуби си биемъ мною. Отвѣща Ананіа святыи и рече ему: не поклонюся бездушнымъ богомъ, но по-

клонюся Господу нашему Иисусу Христу, иже бысть намъ свѣтъ истинный, и видѣхомъ очесы своими и руки наша осязаша и, і отъ лѣсти идольскыи избави ны, ти къ своему отцу приведены преже сихъ дній. Сущю ми в Дамасковѣ градѣ, заповѣда ми, да о имени его исцѣлю Саула; тѣмъ же достойно и добро есть рещи поклонити ми ся Богу живу, а не поклонити ми ся бѣсомъ нечестивымъ. Лукіанъ князь рече: его же нарече Бога быти, отверзися его: ни чимъ же бо ползять ти; той бо творя, отъ многъ грѣхъ избудеши. Блажен'шій Ананіа отвѣщавъ, рече князю: азъ убо не отвергуся Бога моего, ни убо рекомыхъ вами богъ почту, иже суть дѣла рукъ челоуѣческы, яко глухи и нечювьствени, проклену и отвергуся ихъ и вся чтущихъ я. И въздѣвъ руцѣ на небо, и рече: Господи Иисусе Христе, благословеннаго Отца Сынъ, послушай молитвы моеи и достойна мя сътвори святыхъ апостолъ в' будущій вѣкъ; якоже спаслъ еси Саула свѣтомъ истиннымъ, спаси мя отъ руку нечестиваго сего, противящагося истинѣ твоей, да не сътворитъ воли своея на мнѣ и не лишитъ мене царства небесаго, уготованнаго всѣмъ творящимъ волю твою и любящимъ путь истиинны твоеи и хранящимъ заповѣди твоя. Скопчавшу же молитву святому Ананію, повелѣ князь жилами говяжьими сухами бити его и проповѣднику глаголющю: послушай князя! І егда престаша бующии, и рече князь: поне нынѣ пощади душу свою и отверзися, егоже глаголеши Бога; аще ли не хочещи, нанесены ти будутъ лютѣиша муки. Тогда блаженый Ананіа отвѣщавъ, рече ему: исперва ти рѣхъ и глаголя не престаю, яко Бога своего не отвергуся, ни поклонюся немощнымъ богомъ. Тогда отвѣщавъ князь, рече ему: дравше ребра его, свѣщцами горящими прижигайте. Праведный же отецъ на небо очи въздѣвъ, моляше. Глагола же к нему Лукіанъ князь: доколѣ уничижаещи повеленіа царева и не поклоняещися богомъ, пмъ же си поклаяетъ весь миръ? Отвѣща святыи Ананіа, рече: бози, иже не сътвориша небеси ни земля, да погѣбнетъ; азъ бо ни повелѣ-

¹⁾ Въ С. и У. прибавлено «аминь».